

維摩精舍叢書



袁焕仙 著

維摩精舍叢書

北京市中国书店

据 1944 年刻本影印

维摩精舍丛书

袁 焕 仙

中国书店出版

新华书店首都发行所发行 通县大中印刷厂印刷

850×1168 1/32 印张：22.875

1988 年 6 月第 1 版 1988 年 6 月第 1 次印刷

印数：0 001—3 000

定价：18.00 元

新华书店
PDG

鹽亭袁煥仙先生肖像



尹喜說道德五千言孔子自衛反魯乃刪詩書定禮樂贊周易修春秋竺土之婆羅門拜火等教亦於彼時各肆其說淆紊真宗迦文乃宏宣大法教闡一音孟子懼楊墨之言盈天下而是非失軌大道不明也其說曰天下之言不歸楊則歸墨楊氏爲我是無君也墨氏兼愛是無父也無父無君是禽獸也又曰予豈好辯哉予不得已也古聖哲述道振宗拈提策眾津津焉諄諄焉馴至詈罵而聲嘶力竭者良有以矣乃者大寢稽天莘莘學子不困舊說便銜新章釋孔之心燈未然老莊之妙義無續治儒者斥道闢釋謂

攻異端道家者流以老莊爲神化而釋孔俱不入焉
至於釋子概斥他宗詆爲魔外而於自乘且亦互譏
詎知諸法本乎一心三教理無二致若曰此優是取
實際理地必立一塵必曰彼劣是捨萬行門中當少
一法庸詎知儒曰精一道曰玄宰釋曰眞如一名異
名假名耳昧者妄標門戶自詡精深是非倒置去取
乃乖方以吾土春秋戰國時竺土婆羅門拜火等教
熾盛時殆有過之而無不及此吾
師鹽亭袁夫子煥仙出世維摩精舍提持宗旨敷演
上乘闢邪說而大聲疾呼者矣

夫子以天縱之資邃博之學名儒而循吏歷膺軍政
顯職者數十年潛心內籍棲志心宗者亦數十年抵
老豁然發明大事詎曰警語聞於樓中扇搖契於江
外抑亦睹明星以悟道見拈花而破顏者矣悲大道
之胥淪四生之顛沛乃毅然棄軒冕捨山林遠肥膏
雜塵習思以如來家業孔老薪傳立己立人而及國
家天下也時孔則孔宜禪曰禪有時以佛入孔以老
入禪有時以禪入老以孔入佛有時以孔入佛老有
時以佛老入孔有時孔老佛俱入而俱不入有時孔
老佛俱不入而俱入音翻海浪語吐珠圓隨感赴機

因材鳴鐸於初學入德之無從也爲說黃葉閒譚以
階之懼半途而搖心岐路也爲說樞窗隨判以廸之
或偏滯而執勝義之可循也爲說中庸勝唱以滙通
之他如靈巖語屑中詩歌聯偈劇曲雜章無不高提
祖印醒赴來機至於酬語則世法佛法勝法劣法是
法非法世出世間等一切種法靡不悉具而要歸於
第一義諦以統攝之無一而非孔老釋氏之名言無
一而是孔老釋氏之成言以水入水因言遣言此千
聖立教之通徑非。

夫子一己之私言也故釋字隨心不僅漢學家之訓

詰於文隨意非襲司馬氏之成規誘掖魔外如父母
之於愛子嚴而不刻拈誦古今若日月之麗中天明
無不周懋矣都哉人百其口詎能仰贊心言等私淑門
牆得聞勝義於叢書刊行之始特揭櫟其著者文何
稱焉學者苟人手一篇以蘄開契挽既倒之狂瀾明
千聖之宗旨固

夫子之志也若私鏤若墨守斤斤焉於言前句外字
裡行間者詎曰道負夫子抑已活埋自己矣邦之君
子曷興乎來

中華民國三十三年十月門人

內江伍心言謹序
鹽亭范仲純

告讀者

肇圖

曰維摩精舍叢書初函既梓內水伍先生心言
鹽亭仲純范子爲之都序揭全書之宗旨示學者之
的趨都哉都哉括而囊之抑已罄矣然其言渾其義
微而是函五集洋洋十數萬言讀者乍卽皎如百千
明鏡鑑物光光顯色色色透圓搖目驚心應接有如
山陰道上卽之不可離則匪親於是望洋興嘆遂棄
殘笥而廢自半途矣爰揭如左三事指其窅窅學者
苟嘗一嚮全鼎自知所謂綱舉而目張者也

一不獵繁

一語亡言當下知返苟得是篇隻字

半偈皆可發明大事了澈心宗古德曰窮諸玄辯
如一毫置於太虛絕世樞機似一滴投於巨壑繁
云乎哉

二不取簡 孤陋寡聞君子所戒若有所取卽有
所去去取交違窩曰儼然益自遠道況簡而無文
必非勝進

三不舍信 一切種法君子勝行非信不寓故曰
一入信門便登祖位苟於是籍隨手一章隨拾一
言朝斯夕斯所作必辦

再諸方聞有此輯欲先讀者以書來索日或數

函同人乃倉卒付梓檢校之疎誤漏之甚或多也渴望

仁者閱此輯已糾其謬誤指而告之示寄成都提督東街維摩精舍刻經處則至感矣

門人潼南田肇圃敬告

告讀

二

中華民國三十三年十月

日

維摩精舍叢書之一

榴窗隨判

天香署

版存成都
維摩精舍

櫺窗隨判

引言

引曰維摩精舍第一次行七竟中華民國三十二年
秋之季矣而櫺一蒂三花紅透窗牖諸德祥之走而
語迺鶴肇圃等曰此多子之預應也瑞當法嗣徧寰

宇住持僧海滿亦曰是樹也植而越十寒暑未含一
蕊彼時四眾僧之俗之老之幼之女之男之或坐或
立或笑語或莊詞或默計無不津津焉豔稱而暢道
曰希有哉得未曾睹也迺鶴肇圃適輯

先生判諸方問難十七篇成夫篇固不僅十七也而

竟以十七成輯者蓋節要斷時耳因請名會茲希有
竝以此帙交聞

先生先生不顧且曰草木之變亦恒常耳烏足異烏
足異而諸子及 廼鶴肇圖 等請名此帙固未已也

先生乃不答或者曰是名也曰榴窗隨判如何聲未
歇潼南傅先生真吾曰善眾曰甚善甚善

先生復無語於是以此帙梓而饗諸同仁將曰一蒂
三花一花五葉而花花相印葉葉交扶葉綠花紅花
紅葉綠紅紅綠綠綠綠紅紅盡未來際而無窮也邪

時維